



**Claudii Fleurii Abbatis Historia Ecclesiastica**

Ab anno Christi 1725. usque ad annum 1728

**Fleury, Claude**

**August. Vind. [u.a.], 1784**

**VD18 13322648**

§. 63. Galeatii Marescotti Cardinalis fata.

---

[urn:nbn:de:hbz:466:1-67667](https://nbn-resolving.de/urn:nbn:de:hbz:466:1-67667)

Aula & Cardinales, sed & maximi Sæc. XVIII.  
 Principes, Proceres, ac Romanus po- A.C. 1726.  
 pulus tam præclaris celebrabant elo-  
 giis, ut ille in posteritatis memoria  
 perpetuo vivat.

## §. LXIII.

*Galeatii Marescotti Cardinalis  
fata.*

Natus erat Galeatius Marescottus Romæ die 1. Octobris anno Christi millesimo sexcentesimo vigeſimo septimo Parentibus nobilitate inclytis, Sforzia Marescotto & Victoria de Ruspoliis. Emicabat in puerō jam tum eximia quædam indeoles, & ingenii vis magna, cuius ope ab optimis Præceptoribus pie ac liberaliter institutus, egregium prorsus in literis profectum fecit. Juvenis adhuc inter Romanæ Curiæ Præfules ab Urbano VIII. recensetur, ac pluribus ditionis Pontificiæ Urbibus præficitur: Videbatur autem ad altiora natus, aptusque, quo circa ab Alexandro VII. primum Quæſitor Fidei in Insulam Melitensem & postea Nuntius Apostolicus in Poloniā decernitur, ubi Lotharingiæ Ducem ad Regni hujus administrationem evehendum, sedulo procurabat, indignante Bonzio Franciæ Regis Oratore. Inde Romam rever-

**Sæc. XVIII.** reversus, & S. Officii Assessor dictus,  
**A. C. 1726.** jussu Clementis X. Hispana Legatione

fungitur, ibidemque fidei Catholicæ incrementa tam strenue promovet, ut ejus opera & consilio per plurima decreta Religioni egregie prospectum es-  
 fet, ac ipse in exantlati laboris præ-  
 mium a Carolo II. Hispaniæ Rege Ro-  
 mana Purpura decorari, enixe petere-  
 tur, quod & feliciter impetratum est.  
 Romam inde redux, Ferrariensem Le-  
 gationem obire, a Clemente X. jube-  
 tur, post cujus obitum in Sacris co-  
 mitiis a nonnullis Cardinalibus in sum-  
 mum Pontificem expetebatur; ipse  
 vero de se minime sollicitus, totum  
 suum studium eo impendit, ut Inno-  
 centius XI. eligeretur, sub cujus Pon-  
 tificatu per omnes facros Magistratus  
 & officia exercitatus, se talem omni-  
 bus præbuit, ut sese Ecclesiæ integer-  
 rimus Antistitem, Sacris Curiis æquif-  
 simum Judicem, & foro præstantissi-  
 um exhiberet Cauffidicum, nec ta-  
 men delinquentibus gravis Censor, aut  
 egenis munificentissimus Patronus de-  
 erat, vulgo dictus Cato gravissimus,  
 qui nullo habito personarum respectu  
 cunctis ex æquo jura & Magistratus  
 daret. Mortuo Innocentio XI. Galea-  
 tum pene Pontificem Orbis vidisset,  
 nisi Bichius Cardinalis & Franciæ

Ora-

Orator cum suis restitissent: Nec feli- Sæc.XVIII.  
cior erat in proximis comitiis, in qui- A.C. 1726.  
bus suffragantium animi in Innocen- 

---

---

  
tium XII. conspirabant: unde ignota  
quædam manus ad Galeatii fores hos  
versus inscriperat:

*Tunc rerum moderator eris, dignissime  
Princeps,*

*Cum sua vota tibi Bichius ipse dabit.*

Bichius enim rursus obstiterat Galea-  
tio, quem etiam non pauci utpote juris  
peritia inclytum, & ab omni partium  
studio alienissimum caussabantur eoipso  
nimis austерum fore: carpebant alii, illum  
Venetis tum in Conclavi dominantibus  
parum fuisse propensum, proin a Gallis  
absdubio excludendum, ac insuper in-  
genio moribusque primævo naturæ vi-  
tio difficilem esse, et si oris suavitatem,  
comitatemque simulare videretur. Hæc  
a variis objectabantur, quibus tamen  
non obstantibus illi Cardinales, qui  
Cæfareis ac Hispanis favebant, sua  
vota in Galeatum contulere, absdubio  
tiara coronandum, nisi ipsem et suorum  
animos in Innocentium XII. inclina-  
set. Ea Viri moderatio tantopere Neo-  
electo Pontifici placuit, ut ejus con-  
silia ac sententias in rebus maxime ar-  
duis longe ceteris præferret, atque ad  
amissim ea sequeretur. Innocentio autem  
fatis functo denuo nil proprius esse vi-  
Hist. Eccles. Tom. LXXII. Z de-

**Sæc. XVIII.** debatur, quam Galeatum ad D. Petri  
A.C. 1726. Cathedram evehi, unde ejus amici ad  
sacrum Conclave ituro hanc dignitatem  
augurabantur, affixo hoc carmine:

*Et mare virtutum merito Marescotte  
vocaris,*

*Nec sal in cerebro deficit ipse Scotti.  
Si Zephyri adspirant, vertent huc car-  
basa Patres,*

*Namque haud indignum est hoc man-  
rete Petri.*

Enimvero in prima scrutatione so-  
lus plurimorum suffragia tulerat; Gal-  
lorum tamen artibus factum, ut in-  
stante Hispani Regis obitu electio tam-  
diu differretur, donec neglecto penitus  
Galeatio, Cardinalium pene omnium  
vota in Clementem XI. pertraheren-  
tur: Hac fatorum invidia adeo non  
commotus erat, ut etiam singulari læ-  
titia, animique serenitate ceteris prior  
sua novo Pontifici obsequia deferret,  
ac in quolibet Patrum Conventu ea,  
quæ in S. Sedis utilitatem, majorem  
que Pontificis honorem cederent, sta-  
tui curaret, in qua quidem re id ad  
peculiarem ipsius gloriam memoran-  
dum, quod ceteri Cardinales, etsi longe  
doctissimi essent ab illius omnes ore  
pendere viderentur, in ejusque senten-  
tiā concederent non inviti: tanta e-  
rat ipsius eloquentia, dicendique vis-

cum

cum pietate conjuncta! Annum age- Sæc. XVIII.  
batætatis octogesimum septimum, cum A. C. 1726.  
corporis sui vires pertinaci studio-  
rum labore, atque assiduo in obeundis  
Ecclesiæ negotiis conatu admodum  
debilitatas sentiret, quo circa potissimis,  
quibus hucusque fungebatur officiis li-  
berari effictim postulavit, cunctaque  
scripta circa cauſas feliciter diremptaſ  
ſe præſente concremari jussit, ne ina-  
nis gloriæ fumus humilitatis ſuæ splen-  
dorem obfuscaret. Ab illo temporis  
articulo foli animæ ſuæ consulendum  
ratus, nil eorum prætermisit, quæ ad  
Dei obsequium, & proximi ſalutem  
conferre cenferet. Nec diu opportuna  
exercendæ pietatis occasio ei deerat;  
Turcis enim Cretam Insulam infestan-  
tibus ad ferendos belli ſumptus maxi-  
mam pecuniarum vim Venetis ſuppedi-  
tabat, insuper lectos, culcitraſ, lin-  
tea &c. in pauperum nosocomia, ut  
eorum neceſſitatibus ſubveniret, non  
ſemel liberali manu erogabat, in om-  
nium levamen prodigus, nulli præter-  
quam ſibi parcus. His talibus aliis-  
que pietatis operibus affidue exerceba-  
tur, ac neglectis pene corporis ſui cu-  
nis id unum a ſummo Pontifice impen-  
ſius rogarbat, ut in virtutes & prodigia  
Venerabilis Hyacinthæ de Marescottis  
Amitæ ſuæ inquire juberet. Id quo-

Sæc. XVIII. que ejus votis datum est, non sine lu-  
A. C. 1726. culento sollicitudinis suæ præmio; cum  
enim die 25 Febr. Anno hujus Sæculi  
decimo nono apoplexia tactus, amil-  
foque omnium sensuum usu cunctis ad  
ultimam luctam Sacris munitus, sum-  
mam appeteret horam, quidam ex ejus  
Amicis, ubi nullam aliam salutis spem  
superesse cernebat, moribundi Cardi-  
nal is pectori illam admovit Christi Cru-  
cifixi imaginem, quam præfata Vene-  
rabilis Virgo gestare solebat, & Ecce!  
eodem prorsus momento restituitur  
oculorum & linguae officium, depel-  
luntur omnes morbi reliquæ, tamque  
subitanea accessione augentur vires, ut  
altera die paulo ante morti proximus,  
nunc firmo corpore accederet Templum,  
cui ab anima nomen, Deo Ter optimo  
debitas repensurus grates. Vigesimus  
jam annus abierat, dum & mors Cle-  
mentem XI. oppressit, & novis comitiis  
die trigesima prima Martii initium da-  
tum est, quibus tamen Galeatius, cum  
jamjam nonagesimum quartum ætatis  
annum ageret, interesse noluit: Inno-  
centio XIII. suffecto, eoque mox post  
alterum Pontificatus sui annum vivis  
erepto, Sacrum quidem Conclave ingre-  
di, recusavit, eoquod fractas admo-  
dum atque imminutas haberet vires:  
id tamen venerando huic Seni maximo  
erat

erat solatio, quod Vincentium Mariam Ursinium, quem per plurimos annos familiarissime egerat, in Cathedram Divi Petri evectum viderit. Hoc quidem gaudio haud diu frui licuit; jam enim die tertia Julii non tam mortuus est, quam vivere desit, postquam centesimum ætatis annum, uno trimestri minus attigerat, & per quinquaginta & unum annos Romanam Purpuram, virtutum splendore decoraverat. Porro spectatissimum hunc integri pene saeculi Nestorem lugubri fletu prosequebantur omnes; omnium enim amorem ob animi sui ingenuitatem, ob gravitatem comitate conditam, & ob singularem in pertractandis negotiis dexteritatem in se solum converterat, unde illum omnes ceu Virum venerabantur plane dignissimum, qui ad exemplum utilitatemque aliorum per plurima adhuc saecula vitae suæ dies protenderet.

### §. LXIV.

#### *Julii Piazzæ Cardinalis mors.*

Julii Piazzæ, quem humanæ sapientiæ & virtutum specimen invictissimum, non solum vulgaris fama deprædicavit, sed & maximi ingenii Auctores ejus vitam descripserunt, facta aut

Z 3

dicta

Sæc.XVIII.  
A.C. 1726.